

երիտասարդներ «ազափ չարէք», «մակարներ» և այլ անուններով, որոնք հարսանիքի ամբողջ միջոցին միշտ փեսայի շուրջն են խմբուած լինում ու հարսանիքի գոյն սուտոններն են: Նմանապէս և հարսը շրջապատուած է լինում իւրայիններով՝ երկսեռ երիտասարդներով՝ «հարսնեղբայրներ, հարսնեղորներ» և այլ անուններով անձինք, որոնք մինչև որ հարսը մանի փեսայի տունը, իրաւունք են համարում պահպանել ազջիկը «չարից»: «Մակարները», «ազափները» և ընդհանրապէս փեսայի ընկերակիցները հարսանիքի ժամանակ, մանաւանդ երբ գնում են հարսը բերելու հօր տանից, միշտ գինուած են լինում հրացաններով կամ ատրճանակներով. իսկ եթէ ազջիկը մի ուրիշ դիւղ է գտնուում, նոյն իսկ ձիաւորուած ու սպառազինուած են գնում:

Գարալագեազում, «երբ մօտենում են հարսի գիւղին՝ հարսնքաւորները աշխատում են փայլել արտաքինով: Զուռնայի նուագածութեամբ նոքա շատ արագ արշաւում են ձիանց վրայ, ճարպիկ շարժումներ են անում, հրացաններ են արձակում, մի խօսքով՝ աշխատում են գիւղի ուշագրութիւնն իրենց վրայ դարձնել: Սոքա արագութեամբ մօտենում են գիւղին և նորից ձիու գլուխը թեքում և նոյն արագութեամբ յետ արշաւում գէպի գուռնաչիները, որոնք միւս հանդիսականների յետեից կամաց առաջ են դալիս»¹⁾: Այս նկարագրութիւնից՝ ազափների խումբը նմանում է սպառազէն հրոսակախմբի, որ գնում է, կարծես զիտակցելով իւր քաջութեան վրայ, հարուստ աւար տունելու:

Ղրիմու հայերի մէջ հարսնառների վերաբերմամբ կայ հարսանեաց մի երգ, ուր ՚ի միջի այլոց ասում է.

«Թագաւորըս կուքա թուրով

Հայխը շատ է, կառնու գօռով»²⁾

1) Քաջբերունի՝ Հայկական սովորութիւններ՝ «Ազգագրական Հանդէս» 1901 թ. VII և VIII գրք.

2) Նոյն՝ Ճանապարհորդական նկատողութիւններ—Գարալագեազ: «Փորձ», 1881 թ. № IV